



# ARUBAANSE COURANT

## DIARIO ARUBANO

REDACCION: CRIPCIÓN TEL: 2116  
MANAGEMENT: FINANCIO TEL: 1116  
MANAGER: E. W. ...

..Diahuebs 15 di Juli 1965.

EDITA PA: ARUBAANSE DRUKKERIJ, UITGEVERS  
& PUBLICITEITS MIJ N.V.  
IMPRIMI PA: DRUKKERIJ "DE STAD"

UN HECHO INDISCUTIBLE:

"SI NO TABATA PA "LA ESPERANZA"  
PRIJSNAN LO NO A BAHNA ARUBA!

# MARINER-4 MESTER SACA POTRETNAN DI PLANETA MARTE

PASADENA, CALIFORNIA--UPI--"Mariner-4" di Merca lo alcanza awe e culminacion di su mision na Marte den un tentativa historica pa saca e promer potretnan di e planeta. E promer paso crucial den e proceso complejo di saca e potretnan di promer plano di Marte, na un distancia di mas di 214 millon kilometer di terra, a tuma lugar awe mainta 10.15 (ora di verano di New York) ora cu un sensor electronico di "Mariner-4" lo cuminsa busca Marte den espacio.

Mas o menos 10 ora despues, si tur cos transcurri manera mester ta, e "Ojo Cosmico" di e nave espacial lo cuminsa un periodo di 25 minuut durante cual e lo saca 21 potret, e potretnan lo ser transmiti pa television pa terra manjan.

E datonan cu a ser hanja pa radio for di e nave espacial ta indica cu e ta den un curso trazá. "Nos ta cla pa cuminsa" Dan Schneiderman a declara, e ta director di e proyecto "Mariner" den e laboratorio di re-

troporulsion di e instituto di tecnologia di California.

Pero e cientificonan no ta masha tranquil pasobra nan a admiti cu nan no tin algun medio di sa si na ultimo momento e camaranan di television lo funciona. E director di e laboratorio di retropropulsion, William Pickering, a bisa: "Mi no kier pasa pesimista, pero el a admiti e posibilidad di cu nos no por hanja ningun potret".

Pickering a agrega cu e hombernan di ciencia di e Institu-

to di tecnologia lo hanja sa manjan si e fase fotografia di e experimento a recoge "un conjunto di datonan razonable".

E promer potret lo ta disponible pa muera mundu e dia bierne, Pickering a declara.

Debi na e limitacionnan di peso "Mariner-4" tin a bordo un transmisor di solamente lo vatio di poder. E nave espacial ta completa un peso di 270 kilo.

E informacion tuma den e potretnan pa "Mariner" mester ser manda terra den impulsanan chikitu. Seis di nan mester ser manda promer cu aparece un cerebro of un uno. Un cifra -- cero of uno -- ta representa solamente un punto den un linea cu tin 200 punto total. Un potret completo ta forma pa un total di 40.000 punto. E cifranan aki ta duna un idea di e razon pa cual e transmision di cada potret lo dura por lo menos ocho ora.

Otro factor di e elemento ta e gran distancia cu e mester cubri: 214 millon kilometer. E señalnan di radio ta viaja na velocidad di e luz -- 297.000 ki-

lometer pa seconde -- pero lo tarda diezdos minuut pa yega terra.

E potretnan por proporciona informacion nobo riba e superficie di Marte, pero ainda sin e

**FATUM**  
Pa tur bo asegurado  
Tel. 1845.

potretnan e mision di "Mariner-4" ta ser considera un exito completo.

Durante su shete luna y mei di viaje den espacio "Mariner-4" a manda 200 millon di impulso di informacion pa terra, segun Jack James a declara, director di e oficina di programa lunar y e planetario di e laboratorio di retropropulsion.

"Nos ta studiando e sistema solar", James a declara, explicando cu e informacion proporciona pa "Mariner-4" mester ta muchu mas exacto cu e compania den e observacionnan cu a ser hasi mediante e telescopio-

nan di terra.

Nan no ta spera cu "Mariner-4" lo responde si ta existi bida riba Marte, pero lo ta un gran paso den e proyecto cu lo hiba e descenso di un capsula no tripula riba e planeta pa 1971.

COMPANIA  
HULANDES TA BUSCA  
TRAHADORNAN  
NA ARUBA

ORANJESTAD -- E siman aki ta kedando na nos isla un representante di "Nederlandse Standard Electric Maatschappij N.V. Den Haag, en coneccion cu dunamento di trabau di algun hoben di Aruba na Hulanda. E compania hulandes aki tin interes especialmente denelectricistanan. E representante aki lo keda Aruba te diasabra awor, dia 17.

**TISSOT**

**SPRITZER + FUHRMANN**  
*The Jewelers of the Caribbean*

ORANJESTAD 3360      SAN NICOLAS 5014

**HUMA SEMPER BAI . . . . .**

**CAMEL**  
TUBER & DOMESTIC BLEND  
CIGARETTES

**. . . . . E CIGARIA NUMERO 1**

# Cantando cu Radio Kelkboom

Cuminsando diadomingo venidero dia 18 di juli entre 11' or y 12' or di mainta Radio Kelkboom lo cuminsa un programma nobo, special pa teenagersnan di Aruba. E programma ta titula "Cantando cu Radio Kelkboom". Durante e programma aki bo por tende e musicanan di teenagers di ultimo momento y otronan cu ta hit na e momento aki na Estados Unidos, y Europa. E palabranan di e cancionan mas popular bo por hanja den Arubaanse Courant, Tur siman nos lo publica uno of mas di e plezanan aki y caminda ta posibel nos lo duna algun dato di e cantante of cantantenan. Asina por ehemplo e siman aki nos tin "Rock & roll Music" di The Beatle, kendenan ya no mester di introduccion mas serca e teenagersnan na Aruba. Sinembargo nos por informa cu na luna di Agosto venidero e Beatlesnan lo bolbe haci un gira door di Estados Unidos di America. Nan lo duna 13 presentacion na varios lugar. Pa e presentacion aki nan lo hanja un total di 1 milyon dollar. Entre otro nan lo duna un concierto na Shea Stadium, Pa esaki ya tres luna promer cu e presentacion 30,000 kaarchi di e 60,000 cu lo worde bendi a worde cumpura pa e teenagersnan fanaticadonan di "The Beatles". Aki ta sigui dos di e plezanan cu lo worde presenta den e programa "Cantando cu Radio Kelkboom". diadomingo awor. Warda bo courant of plak e cancionan aki den bo buki di cancionen y canta e hitnan popular aki diadomingo awor cu Radio Kelkboom.

Se piangi, se ridi.  
(Bobby Solo)

Se piangi, amore, io plango  
con te  
perehé ta fai parte di me:  
sorrìdi sempre setu non vuoi,  
non vuoi vedermi soffrire mai,  
Se ridi, amore, io rido pere-  
hé,  
perche faccio parte di te.  
Ricorda sempre: quello ehè fai  
sopra il mio volto lo rivedrai,  
Non sarai sola anehe se tu,  
tu sei lontana da me.  
Ogni momento, dovunque  
andrai  
accanto a te mi rivedrai.  
Se piangi, se ridi, io sono  
con te  
perche sono padre di te.  
Ricorda sempre: quello ehè fai  
sopra il mio volto lo rivedrai.

Rock & Roll Music.  
(The Beatles)

Refrein:  
Just let me hear some of that  
rock and roll music,  
Any old way you choose it,  
It's got a back beat, you  
can't lose it,  
Any old time you use it,  
It's gotta be rock and roll  
music,  
If you wanna dance with me,  
I've got no kieg against mo-

der jazz,  
Unless they try to play it too  
darn fast;  
And change the beauty of the  
melody,  
until they sound just like a  
symphony.  
That's why I go for that etc.

I took my loved one over 'e-  
ross the tracks,  
So she can hear my man await  
a sax.  
I must admit they have a  
rookin' band,  
Man, they were goin' like a  
hurricane!  
That's why I go for that etc.

\* Way down South they gave a  
jubilee,  
The jokefolks they had a jam-  
boree;  
They're drinkin' homebrew  
from a water cup,  
The folks dancin' got all shook  
up.  
And started playin' that etc.

Don't care to hear 'em play  
a tango,  
I'm in the mood to hear a  
mambo,  
It's way too early for a con-  
go,  
So keep a-rockin' that piano,  
So I can hear some of that  
etc.

Programa di diezun ASU Olimpiada  
Awe noch  
Club Estrella pa 7.30 p.m.  
Boxeo (local) - entrada F 1,--.  
Majan diabierne 16 di juli 1965  
Lago Sport Park pa 6' or p.m.  
Athletiek-wielrennen (local). Entrada F. 0,50.  
2 Mucha cu un kaarchi.

## ASU NO A DESCREMINA

(Di nos redactor deportivo)

Den e edicion di e diario Beurs en Nieuwsberichten di ayera a aparece un articulo di e redacion di Corsouw mencionando cu di parti di Aruba Sport Unie un cierto descriminacion a ser haci en connexion cu e invitacionnan extendi na e diferente organizacionen di Corsow pa tuma parti den e olimpiada A.S.U. di anja 1965.

A ser menciona cu por ehempel pa e delegacion di hisador-nan di peso tanto gastonan di pasashi como hotel a ser paga door di A.S.U. mientras cu pa otro delegacionnan a ser paga sea hotel of sea pasashi.

Esaki segun e articulo no ta contribui ni promove e bon-comprendimento mutuo entre e dos islanan.

En relacion cu esaki nos a acudi cerca directiva di A.S.U. y aki nos a ricibi e informacion cu e decision tuma door di directiva di A.S.U. ta cu pa tur delegacion ta gastonan di hotel A.S.U. lo cubri.

Sinembargo pa judo y pa hisamento di peso a bin e proposicion pa paga gastonan di pasashi na lugá di esunnan di hotel ya cu e visitantenan pa e dos ramonan di deporte aki lo keda demostra cerca amigonan of famianan na Aruba y pues pa nan lo no tin gasto di hotel.

Considerando e peticion aki husto, directiva di A.S.U. a dicidi di paga e gastonan di pasashi pa e dos delegacionnan aki, pero di otro banda A.S.U. no tin nada di haci cu nan gastonan di hospedahe na Aruba.

Categoricamente directiva di A.S.U. ta nenga cu pa un of otro delegacion A.S.U. lo paga tanto pasashi como hotel.

Apesar di ta un organizacion netamente arubano, apesar di no tin e obligacion oficial di extende e invitacionnan na e mes un base y apesar di no ta e organizacion cu en realidad ta esun cu mester organisa e encuentronan anual cu ta contribuyendo na adelanto di e deporteden Antiyas Hulandes, directiva di A.S.U. ta haciendo esaki ya ta pa dies-dos anja consecutivo.

# HUES A DICTA CASTIGU FUERTE CONTRA INSTIGADOR Y CORTADO

WILLEMSTAD- Un ora y mei hues a tuma pa interroga dos ruman, quendenan dia 29 di mei ultimo, a drenta den un bar na Santa Maria y despues di a cuminsa pelea, a agredi nan adversario cu cuchu.

Despues cu hues a trata di saca e berdad for di e dos acusadonan, el a termina na condena un di e rumannan mientras qu aki cuater siman e otro mester presenta pa asina hues por tende declaracion di e victima y testigunan qu a mira e cos sosode, comoquiera qu e acusado, E.B., a nenga redondamente locual e tabata ser acusa di dje.

Durante transcurso di e tratamiento, a sali na cla qu riba e fecha menciona e dos rumannan corriendo den un auto y yegando na Juliana Bar, nan a baha for di e auto, comoquiera qu nan a mira un tipo sinta den e bar, cu quende un di nan tabatin trouble poco tempu anterior.

Promer qu e ruman menor a baha for di e auto, el a busca y a hanja un sambechi den interior di e auto, y cu esaki el a drenta den e bar, y mirando su enemigo, el a dal e un moketa.

Mientras tanto, e ruman mayor quende a drenta door di un otro porta y quende tabatin un cuchu di mata bestia sconde tras di su lomba, tambe a mete su mete su mes den e pelea y tambe a zwaai cu e cuchu, aunque qu durante e interrogacion di awe mainta, no a sali na cla, si el a corta su adversario of laga.

En todo caso, hues tabata di opinion qu comoquiera qu e dos rumannan a drenta y a cuminsa bringa cu e homber qu tabata sinta cu dos amigu na mesa, tabatin tur falta qu por tin, y a declara qu lo e ripara esaki debidamente den e castigu qu lo por ser dicta contra dje, no obstante qu ta promer blaha qu el a hanjele den un caso asina dilanti di hues.

Durante e interrogacion a sali na cla tambe qu e ruman menor, tabata bao di dominio e influencia di e ruman mayor quende tin un strafkaart basta regular caba, y pesei hues a bisa esun mas hoben, pa dia qu e ruman mayor

sali for di prison e no keda sinte asina tantu pega cune, sino esaki lo causa su perdicion.

Fiscal den surequisitoir, a declara qu e no ta mira ningun motibu pakiko lo e mester tene clemencia cu e acusado, comoquiera qu ta pa su falta henter e bringamentu a cuminsa.

El a pidi un castigu di tres luna di prison, di cual unu condicional, pa e acusado.

Despues qu fiscal a pidi castigu pe, e acusado a pidi hues

## TA BENDE

Pa motibo di viahe

Mobiliarlo completo y den

masha bon condicion.

Acudi despues di 7' or di anochi na: Ferguson 27, Tel. 1513.

Segun Antillian Song Festival en preparacion

ORANJESTAD - Ta existi e plan pa e anja aki tene un song festival cu lo dura 6 siman. Asina nos a ser informa pa sr. Robert Schouten, kende anja pasa a organisa pa promer biaha un Antillian song festival na Aruba y cual a bira un exito grandi. Segun ta ser spera e segundo song festival aki tambe lo worde tene na fin di anja, y lo cuminsa probablemente na fin di october o na cuminzamento di november.

Manera nos por recorda Srta. Nilka Franka anja pasa a konkista e titulo di mihor gantatriz di e song festival ey. Probablemente srta. Franka lo defende su titulo e anja aki. E artistanan interesa por duna nan number di awor caba na e organizadonan.

## VERKEERSBRIGADIERTJES DI SCHOOL A PASA DIA INOLVIDABLE

ORANJESTAD, 15 juli - Ayera tabata un dia inolvidable pa e 51 verkeersbrigadiertjes di e 9 -scoolnan na Aruba. Despues cu nan a pasa horanan di mainta bishitando Lago, nan a hanja oportunidad pa landa na Pova Beach bau direccion di hoofd-agent W. Wiffels.

Den horanan di atardi e muchanan aki a worde premia pa nan labor, ora cu representante-nan di Lions Club di Aruba, polis y di ensenjanza a reuni cu nan den Pova centrum.

Entre e presentenan por a mira inspector di polis J. de Wijs, hoofdagent Wiffels, J.A. Arts di Kinder- en Zedenpolitie, Srs. J. van der Schoot y D. van Zuidam di Lions Club y frere Gerardo.

Inspector de Wijs a dirigi palabla na e verkeersbrigadiertjes

y a gradici nan pa e bon trabau cu nan a haci durante henter anja pa nan companjeronan di school, percurando cu nan por a cruza caya tur dia sin corre peliger di worde golpea pa auto. Sr. de Wijs a informa e muchanan cu tin plannan pa den futuro polis hasi bishitanan frecuente na e schoolnan pa yuda e verkeersbrigadiertjes den nan trabau.

Sr. Van der Schoot, a papla na number di Lions Club, e organizacion cu den anjanan pasa a tuma e iniciativa pa lanta e cuerpo di verkeersbrigadiertjes na Aruba.

El a gradici e maestronan di school pa e apoyo cu nan a duna na e verkeersbrigadiertjes y tambe hoofdagent W. Wiffels, kende a percura asina bon pa e muchanan. Sr. Van der Schoot ademá a encurasha e muchanan pa inscribi como miembronan hubenil di e organizacion pa promove seguridad di trafico na Aruba cu recientemente a ser funda.

## POR INSCRIBI PA TROLLING TE DIASABRA

ORANJESTAD - Na esnan cu ta interesa na participa den e competencia di trolling den cuadro di e diezun olimpiada ASU, nos kier recorda cu nan por inscribi te diasabra atardi venidero cerca Milo Croes of Roy van Putten. E competencia di trolling ta cuminsa diadomingo awor marduga pa cuat'or y mei for di Bali pier y lo termina pa diezdos'or di merdia na Aruba Caribbean Hotel.

## WANDELMARS PA MUCHANAN DI SCHOOL DIA 28

Dia 28 di juli venidero e muchanan di school di San Nicolas lo tene un wandelmars den vecindario di e ciudad petrolero.

E wandelmars aki ta worde organisa anualmente pa kinder- en zedenpolitie cu cooperacion di e maestronan di school. Anja pasa e mars aki a wordetene na Oranjestad. E mars lo cuminsa pa mas o menos dos'or di atardi. Ta logico cu lo tin e premionan di custumber pa e ganadornan. E punto di salida no ta conoci ainda.

## F.L. MADURO UN BIAHA MAS DILANTI T.V.

ORANJESTAD - Diasabra ultimo sr. F.L. (Wijkie) Maduro a bolbe papia pa algun minuut dilanti e camara di Radio Caracas television den idioma papiamentu. Sr. Maduro a dedica su discurso na e pueblo di Aruba y un biaha mas el a haci un atake riba gobierno, cu no ta derechonan democratico pa loke ta trata e dunamento di oportunidad na e lidernan di obreropapia dilanti radio y television na

Antillas. El a declara cu algo mester ser haci pa mantene e derechonan aki.

Manera nos por recorda sr. Maduro ta e mesun lider di obrero di I.O.W.U.A. na Aruba, kende, asina cu corantnan scribi algo contra dje of algo cu no ta zona dushi den su oreja, ta cuminsa parti pamfleta pariba pabau y den cual e ta pidi pa boycotea e corantnan.

## Fabrica di habon lo cuminsa traha atrobe

ORANJESTAD - Segun ta ser spera e fabrica di habon di Toa Antillas N.V. lo cuminsa traha atrobe na fin di e luna aki of na cuminzamento di otro luna. Manera ta conocie fabrica a worde sera algun luna pasa pa motibo di dificultadnan den e administracion cu awor parece a keda regla.

E deliberacionnan cu un tecnico pa e empresa, a duna resultado-nan positivo y pronto e fabrica aki lo por presenta su productonan di habon atrobe riba e mercado arubano.

## SOCIALES



Awe e caballero Eric Willems ta celebra un anja mas di bida. E ta ricibi abrazonan di felicitacion di su esposa Maria y su yunan Erica, Judith, Felix, Marjorie, Jane y Susanna. Felicitacion ta bini tambe di tur su rumanan y demas famia Willems.







## Un luna di prison pa tata qu no ta cria su yuman

WILLEMSTAD -- Un luna di prison incondicional hues a dicta contra e homber L., quende anja pasa a divorcia pero ta faltando den dunamentu di alimentacion pa cria su yuman.

E ex-casa di e homber L. awe mainta a presenta dilanti di hues pa splica qu e muchanan ta come cuminda cayente un blaha pa dia serca mama di su ex-casa, pero qu e tin qu traha pa cumpra panja pa nan, paga nan school, paga huur di cas, lus y awa y otro gastonan di cas.

Durante tratamentu di a caso a sali na cla qu un luna despues qu e

Sin embargo, awe mainta fiscal no por a sinti clemencia pa e acusado, quende no a presenta pa defende su caso y a pidi un castigo di dos luna, di cual un condicional, y hues a condena e homber na tres luna, di cual dos condicional di manera qu e homber tin qu bai sinta un luna den prison.

homber a divorcia for di e muher, el a bolbe cas y ya un blaha el a yega di falla den pagamentu di alimentacion, pero qu ora fiscal a manda yamele, el a paga tres luna inmediatamente.

## SENTENCIA DI TRES SIMAN PA KIMA CU AWA

WILLEMSTAD -- Otro sentencia qu hues a dicta awe mainta, tabata contra e muher J.C. quende a agredi su casa, pa via qu el a ser maltrata pa e homber aki.

Considerando qu e delito qu e muher a comete, no ta ser hustifica pa e hecho qu e homber a maltratele, hues a condena e muher na ocho siman di prison, di cual cinco condicional.



**BOGALUSA---**Miembronan di Congress of Racial Equality a tene un marcha civil door di e cayanan di Bogalusa dia 11 di juli ultimo, bao di guardia di mas di 350 polis. Polisnan a marcha na kantu di e demostrantenan. Telephoto UPI.

# Merca lo tuma medidanan grave den e guerra na Vietnam

Washington--UPI--Presidente Lyndon B. Johnson a declará qu Estados Unidos lo tuma "medidanan y decisionnan nobo y grave" den e guerra cu e comunistanan di Vietnam.

Den un conferencia di prensa qu a ser transmiti door di radio y na television e prome mandatario a bisa qu e creciente agresion comunista "lo por existi creciente contestanan norteamericano na terra "den e pais aki y a muestra riba e hecho;

"Nos ta hasi loke ta necesario" Tambe ela anuncia qu e secretario di defensa Robert S. McNamara, y e embahador norteamericano nobo na Saigon, Henry Cabot Lodge, lo sali awe pe pais asiatico aki den un viaje nobo di inspeccion. Ela agrega qu tur dos lo regresa proximo siman y qu nan recomendacionnan lo ser "cuidadosamente considera pa Gobierno.

Siman pasa Johnson a afirma qu Estados Unidos kizas lo mester aumenta e cantidad di trupa-

nan na Vietnam, superando e maximo di 75,000 homber qu nan a propone. Den circulanon militar nan a bisa posteriormente qu e total di trupanan norteamericano aya lo por yega mas di 100,000 na fin di e tercer trimestre di e aña aki.

Den curso di e reunion cu e periodistanan, e presidente tambe a bisa:

---qu Union Sovietica no a acepta pa convoca atrobe e conferencia di desarme qu lo mester ser tena na Ginebra. Ela muestra riba e hecho aki qu e asentimiento sovietico ta constitui un "acontecimiento masha alentador" y qu Merca ta spera na reanuda e debate no despues di dia 27 di e luna aki.

---qu ela ricibi un "informe alentador" di Eugene Black, ex-presidente di e banco mundial encargá awor di examina e posibilidadnan di e ayuda economica norteamericano den Asia Sudeste.

Johnson a señalá qu Estados

Unidos ta desea na laga claramente na cla qu su esfuersonan militar solamente ta constitui un medio pa posibilita e progreso economico pacifico.

---ela anuncia qu ela nombra e juez federal Thurgood Marshall, magistrado y ex-dirigente di e campaña di derechonan civil procurador general di justicia.

Marshall lo reemplaza Archibald Cox como e principal representante legal di Gobierno Federal den Corte Supremo.

---ela anuncia tambe nombra mientonand di Leonard Marks como director di e agencia di informacion di Gobierno di Estados Unidos, den reemplazo di Carl Rowan y di Philip Talbot, secretario asistente di estado pa Medio Oriente y Asia Sudoriental, como embahador na Grecia, den reemplazo di Henry R. Labouisse. E ultimo aki y Rowan a renuncia recientemente.

WASHINGTON -- UPI -- Presidente Lyndon B. Johnson a tuma e iniciativa den un esfuerso pa

prepara e pueblo norteamericano pa e "peligernan y dificultadnan" cu ta ser spera na Vietnam.

E hefe di e poder ejecutivo a bisa ayera den un conferencia di prensa cu aunque e no por predici cu por ocurri na Vietnam "ta muy probable cu lo ta necesario decisionnan nobo y serio den futuro".

Esaki ta e segundo blaha den menos cu un siman cu presidente Johnson ta recalca e posibilidad di cu e futuro lo reserva Mer-

ca hopi dificultad na Vietnam. Su advertencianan a hanja eco den e ultimo dianan den e palabranan di e secretario di estado, Dean Rusk, y general William Westmoreland, comandante norteamericano na Vietnam.

Diabierne ultimo Johnson a bisa den un conferencia di prensa cu el tabata spera cu e guerra di Vietnam "lo empeora promer di cuminsa mehora." El a indica tambe cu Merca lo por manda Vietnam un cantidad mas

grandi di hombernan, cu esun di 75,000 cu nan a anuncia anteriormente.

E presidente a ripiti cu e tabata dispuesto na negoshia "cu e personanan apropia" pa pone fin ne guerra, pero na mes momento el a bisa: "e sinceridad ta obligami na bisa cu no tabatin algun indicio di cu e otro banda ta interesa den e negociacion ni pa discusionnan incondicional, aunque Merca a hasi mas di un do-zijn di tentativanan pa logre".

Den un entrevista cu nan a hasi fin di siman na Television Rusk a manifesta cu e norteamericano ta spera un lucha duru na Vietnam, y a adverti e comunistanan cu nan no por sconde na ningun lugar.

Westmoreland cu a conferencia cu militar norteamericano na Hawai siman pasa, a bisa cu el ta spera "confrontacionnan importante" den proximo futuro na Vietnam.

## Gobierno lo fia compania qu kier construi hotel na Isla Arriba

WILLEMSTAD-- Island Development Company a entrega un peticion na Gobierno Central pa apoya financiera pa construcion di un hotel nobo di 170 kamber na St. Maarten.

Den un proyecto di ley qu gobierno a manda pa Staten, nan ta splica qu gobierno ta masha dispuesto pa yuda den e asunto aki, pa cual mester di un suma di 2,8 million florin, siendo e suma qu mester worde inverti ta mas o menos tres milion dolar.

Awor gobierno ta pidi Staten

autorisacion pa aumenta e suma cual gobierno ta permiti pa fia y qu ta 3,2 million florin pa construcion di hotel.

For di e suma aki ya nan a fia Hotelmaatschappij Bonaire 950.000 florin mientras qu gobierno a priminti N.V. Sea View Hotel e suma di 50.000 florin. E dos sumanan aki na tur ta un milion florin, di manera qu mester autorisacion pa e suma di 600.000 florin. Ya caba gobierno Central a priminti Island Development Company N.V. e apoyo financiero pa cual nan a suplica.



**BOGALUSA--**Trupanan di gobierno arma cu sub-machineguns y shotgun ta tene guardia di dos grupo di marcha na Bogalusa dia 11 di juli ultimo. Mas di 350 persona tabata marcha huntu cu Negro Congress of Racial Equality y National States Rights Party. Telephoto UPI.

**BO A PIDI  
GAS CABA ?**  
TEL: 1198 - 1898



**J.E.P. CABENDA** - Oudeschoolstraat 3 Tel. 1539.

E mihor adres di tur articulonan di



Y di mes un tempo bo ta spaar placa !



# MERCA A PERDE UN GRAN HOMBER

## CU MORTO DI ADLAI STEVENSON



potret aki di Adlai Stevenson, Embajador di Merca dilanti di Naciones Uni, a ser saca 45 minuut promer cu e la colapse y muri den un calla di London. Riba e potret aki por weta e defuntu na momentu cu e tabata saliendo for di Embajada Mericano na Grosvenor Square na London.

LONDON-UPI- Adlai Stevenson, Embajador di Merca dilanti di Naciones Uni y dos blaha candidato presidencial di Partido Democratico, a muri awe aki, Stevenson a alcansa e edad di 65 aña. E causa di su morto no a ser anuncia inmediatamente. Stevenson su morb tabata completamente inespera. E tabata tini conferencia cu oficialnan ingles mas trempan ayera. E mission Merca na Naciones Uni a queda babuca pa e noticia. Apenas dos dia pasa Stevenson a brilla pa un exelente defensa di politica di Merca na Vietnam den un debate di Naciones Uni den un reunion.

su morto repentino di Adlai E. Stevenson a shock y entristece Washington. Lideran di Congreso a describe e morto di e embajador como un gran perdida pa Merca y mundu. Presidente Johnson cu a ser informa di e morto di Stevenson a Secretario di Estado, Dean Rusk ta preparando un declaracion especial. Rusk cu tabata na Casa Blanca pa un almuerzo aña e noticia directamente for Embajada Mericana na London e la informa Presidente Johnson inmediatamente. Ex-Presidente Harry S. Truman expresa emocion y pena ora cu e la ser informa di e morto di Adlai Stevenson. Truman a bisa: "Su contribucion y servicionan cu e la presta pa e nacion aki, lo ser largamente recorda pa un pais agradecido." Naciones Unidas, e organismo mundial den cual Adlai Stevenson a lueci como un figura dominante durante di e ultimo cinco añanan, cay den un silencio conmovido ora cu e noticia inespera di su morto a ser ricibi. Achkar Marof, Embajador di Guinea, a propone un reunion extraoficial di e Consejo di



Stevenson dilanti di e edificio di Naciones Uni, caminda incansablemente e la lucha pa paz pa henter mundu.

Seguridad pa rindi tributo na e homber cu tabata e centro di mayoria di su debatenan, for di e crisis di Cuba na 1962 te cu e cuestion di Santo Domingo.

Mes cos tambe e grupo Latinoamericano na Naciones Unidas a expresa nan profundo pena ora cu nan a tende e triste noticia. E embajador di Salvador, Dr. Antonio Alvarez Vidaurre, presidente di e grupo Latinoamericano a bisa: "Esaki ta un perdida pa Naciones Unidas, pa su propio pais y sigur pa Latino America, cu quende su representantenan dilanti di ONU, e tabata tini relacion estrecho." E epoca di Embajador Stevenson e ultimo cuater añanan y mei a ser caracteriza pa e esfuerzonan constante di e ex-gobernador di Illinois pa estrecha e vinculosnan cu Latino America. Alvarez Vidaurre a recorda cu Adlai Stevenson "semper a demonstra gran respet pa cu e representantenan Latinoamericano y e opinion di nos paisnan". Merca a perde un distinguido estadista di amplia perspectiva internacional y Naciones Unidas quizas a perde su mas calurosa defensor.

E renombrado politico mericano tabata na London den loque a ser califica como un bishita particular, di regreso pa New York despues di a participa den un reunion di e Consejo Economico y Social di Naciones Uni na Ginebra, durante di su estadia na G. Breña e tabata tini entrevista cu Promer Ministro Wilson y e Ministro di Relaciones Exterior Michael Stewart, y tambe e la participa

den programanan di television den cual e la defende e politica di Merca na Vietnam.

Stevenson a pasa henter mainta den Embajada di Merca, caminda e la graba un entrevista riba tape pa ser muestra despues na television. Segun informacionnan, atardi e la sali cu Sra. Ronald Tree, delegada mericana na Naciones Uni. Ora cu e tabata caminda e calla Grosvenor, dilanti di e Club Deportivo Internacional, Stevenson a cay. Embajadora Tree a cumin-

sa mes ora duné respiracion artificial di boco pa boca, y despues e la bisa e portero di e club pa e yama un dokter. Mientras cu e portero tabata yamando e Hospital San Jorge, un dokter cu tabata den e club y un otro cu a sali for di un hotel a aplica masaje di curason na e enfermo y tambe nan a pase un inyeccion. E personal di e ambulante cu a bini a duné oxígeno y despues a transporte pa hospital na unda e la ser declara morto na yegada.

## PRESIDENTE JOHNSON A RINDI TRIBUTO NA ADLAI STEVENSON


Presidente Lyndon Johnson a declara cu Adlai Stevenson lo agrega su mes na e lista chiquitu di hombernan cu lo ser recorda pa nan grandesa. E presidente a declara cu e legado di Stevenson na e pais ta consisti den "e encargo di continua e busqueda di un mundu mas decente, di un mior orden mundial, di un bida humana liber di guerra y destruccion."

E promer mandatario Mericano a declara cu Vice Presidente Humphrey lo encabesa un delegacion cu lo bai London pa trece e restunan di e embajador. Johnson a haci declaracionnan aki dilanti di camara di television y via radio cu a ser transmiti pa henter e pais. Adlai Stevenson ta ser sobreviví pa su tres juñan homber, Adlai di 34 aña, Borden di 33 aña y John di 28.

Adlai Stevenson a naceda 5 di Februari 19 na Los Angeles, pero e la lamta den e estado di Illinois, na unda su familia tabata activo den politica durante di cuater generacion. Su wela, cu tabata tini e mes un nomber cu ne tabata Vice Presidente di Merca bau di Presidente Grover Cleveland. E la ser educa na e Universidad di Princeton y tambe

na Northwestern despues di cual e la establece como abogado na Chicago despues di a traha pa e courant di su familia na Bloomington (Illinois). Na 1928 e la casa cu Ellen Borden, cu kende e tabata tini tres juñ homber; e casamentu a termina den divorcio y Stevenson a bolbe casa.

Tempu cu Presidente Franklin Roosevelt a inaugura e politica di "New Deal" Stevenson a colabora pa e bira President. Durante di guerra e la sirbi den diferente cargo na Europa y despues a ser nombra asistente especial di e Secretario di Estado. Den e capacidad aki e la contribui na e establecimiento di Naciones Uni, organismo den cual e tabata delegado alterno pa Merca te na aña 1948. Na e aña el e la ser elegi cu un mayoria aplastante como gobernador di Illinois. Su administracion progresista a dune oportunidad di ser e candidato demócrata pa Presidente di Merca pero e la perde debido na e enorme popularidad di General Eisenhower. Presidente John F. Kennedy a nombra jefe di e delegacion di Merca na Naciones Uni, na unda e la destinguí su mes pa su brillante oratorio, humor y sabiduria.



Bandera di Naciones Uni na media asta pa Adlai Stevenson cu a muri





# PAGINA DEPORTIVO

## LIGA NACIONAL A SUPERA LIGA AMERICANA 6-5

Pa Leo H. Petersen.  
Minneapolis--St. Paul--UPI--  
Un hit, masha pover, a dicidi  
loke tabata un marathon di ho-  
merun y a duna Liga Nacional un  
ventaha di All Star riba Liga A-  
mericana pa di prome blaha.

Nos lo a cohele di tur manera,  
asina manager Gene Mauch di  
Liga Nacional a bisa, quende a  
logra di hiba su equipo na un  
victoria den e clasico cu ta ser  
disputa for di 1933.

"For di trempan nos a mata  
nan cu homerun, y despues nos a  
gana riba un hit di infield", asina  
el a bisa huriendo.

E homer cu a conecta e hit  
tabata Ron Santo di Chicago Cubs  
y Willie Mays e centerfielder cu  
a score e carreda decisivo riba  
e bataso, tabata e heroenan den  
e derrota di 6-5 di Liga Ame-  
ricana den e di 36 encuentro di  
All Star den presencia di 46.  
706 persona den Metropolitan  
Stadium cu ta cas di Minnesota.  
Esaki tabata e di 18 victoria di  
Liga Nacional contra 17 di Liga  
Americana y un wega empatada.  
Liga Nacional tabata hungando

un tempu cu un desventaha di 12  
derrota contra cuater victoria  
pero cu e victoria di ayera nan  
a gana siete di nan ultimo nue-  
be encuentronan.

Mays, apareciendo den su di 12  
wega All Star, a hunga un rol  
masha importante den e victoria  
historico di Liga Nacional.

El a pone un record All Star  
di 21 hit cu su tercer homerun  
di e clasica den prome inning  
despues el a expande un record  
bleu di dje, anotando su di 17  
carreda y mas despues den desa-  
rollo di e encuentro el a score  
e di 18, esun mas importante  
di tur.

Harmon Killebrew di Minnesota  
Twins tambe por tabata e heroe  
di Liga Americana. El a conecta  
un homerun pa empatada e encuen-  
tro na 5-5, pero den nobeno in-  
ning el a poncha lagando e car-  
reda di desempate na segunda ba-  
se..

E punto di victoria tabata e hit  
di Ron Santo y e bon pitcheo di  
Bob Gibson di Cardenales duran-  
te octavo y nobeno inning.  
Santo su hit a presenta den sep-  
timo inning cu e score empatada  
na cinco carreda.

Mays cu a cuminsa e encuentro  
cu un homerun, a enbasa cu cua-  
ter bola pa cuminsa e rally chi-  
kitu di un carreda, pero decisivo  
den septimo inning cu Sam  
McDowell pitcher di Indios di  
Cleveland Indians riba monticulo.

Hank Aaron di Bravos di Milwau-  
kee a conecta un hit mientras  
cu e veloz corredor di San Fran-  
cisco Giants a pasa pa tercera  
El a keda para el ora cu pinch-  
hitter Robert Clemente a conecta  
rolata den man di tercera base  
Brooks Robinson.

Despues Santo a conecta un ba-  
taso masha forza riba segunda  
base cu ni e shortstop Zoilo  
Versalles ni tampoco e segunda  
base Bobby Richardson no por a  
captura y Willie Mays a anota pa  
e gran carreda---e carreda mas  
grandi cu hamas Liga Nacional  
a yega di score.

Gracias na labornan di Dick Far-  
rell di Astros y Bob Gibson e  
ventaha di un carreda por a  
ser preserva.

Den octavo inning cu dos out,  
Versalles ta ricibi cuater bola  
y ta sigi pa tercera ora qu  
catcher Bill Freehan a conecta  
hit den centerfield. Freehan a  
bai segunda riba un tiru di Mays  
pa saca Versalles na tercera.

Jimmie Hall ta conecta un bata-  
so profundo den centerfield. Mays  
ta slip ora el a sali en busca  
di e bola, pero e ta logra do-  
mina su balansa y ta hasi un  
catch suave pa termina e in-  
ning. "Mi a spanta morto ora  
mi a slip", Mays a bisa. Si-  
gur cu mi tabata contentu ora  
mi a hasi e captura. Liga Na-  
cional ainda no tabata for di ba-  
talla. Tony Oliva ta habri nobe-  
no inning cu un doblete, Max  
Alvis tratando di realisa huga-  
da di sacrificio ta lanta popfly

den man di catcher Joe Torre.

Killebrew tabata e siguiente  
bateador y a yega na e conteo  
di 3-2 prome cu Bob Gibson a  
ponchele riba un fastball. Al Lo-  
pez ta yama Joe Pepitone for  
di dugout y e primera base di  
Yankees tambe ta poncha riba un  
fastball di Bob Gibson.

Tabata parce cu Liga Nacional  
lo a sali facil cu un victoria  
Despues cu Willie Mays a ben-  
ta e segundo lansamentu di Mil-  
ton Pappas den New Paviljon na  
Metropolitan Stadium como e  
prome gran bataso di e encuentro  
for di e bate di e prome hom-  
ber. Willie Stargell di Piratas  
ta bati hit y tabatin dos out ora  
cu Joe Torre a conecta un home-  
run cu tambe bai resulta den Pa-  
viljon.


Lopez a sinti cu tabata suficien-  
te pa Milt Pappas y a manda  
Jim-Mudcat- Grant riba mon-  
ticulo den segundo inning. Grant  
a permiti un hit na Juan Mari-  
chal, e pitcher habridor di Li-  
ga Nacional y a duna Willie  
Mays base por bola, el a saca  
Hank Aaron cu doubleplay, pero  
despues Willie Stargell di Piratas  
ta conecta otro bataso cu ta bai  
resulta den Paviljon pa un home-  
run di dos carreda, dunando Li-  
ga Nacional ventaha di 5-0.

Marichal a permiti solamente  
un hit durante tres inning cu el  
a actua, y alaves el a ser eligi  
como hungador mas valioso di e  
wega, superando Willie Mays pa  
un voto.

Maloney a permiti un  
carreda den cuarto inning y des-  
pues a ser castiga cu cuater mas  
den quinto inning riba un paar  
di doblete di dos carreda di Dick  
McAuliffe di Tigres y Killebrew,

Sandy Koufax ganador di diescin-  
cu wega di Dodgers, a ricibi  
credito pa e victoria, pitchan-  
do e sexto inning. McDowell a  
pareciendo den su prome wega di

All Star, a sufrir e derrota riba  
e hit di Ron Santo.



UPS AND DOWNS--Primera base suplente di Yankees di New York  
Ray Barker ta hasi un salto pa hasi captura, mientras Tony Oli-  
va di Minnesota Twins ta dreña di abao na primera. Phil Linz a  
ser castiga cu un error.

**J.E.P. CABENDA** - Oudeschoolstraat 3 Tel. 1536

e mihor adres pa tur articulo di:



y spaar placa na e mesun tempu

### BONGERS Y DE BOER A HUNGA PA REMISE

ORANJESTAD -- E promer par-  
tido pa e titulo di campeon di  
ajedrez di Aruba cu a tuma lu-  
gar den e Jeugdcentrum na Pie-  
dra Plat a termina den remi-  
se. Muy probablemente e lucha  
pa e titulo lo continua e siman

aki ainda.  
dra Plat a termina den un remi-  
se (empate). Manera ya anuncia  
anteriormente e partido aki ta-  
bata entre srs. P. Bongers y  
W. de Boer. Despues di a hunga  
horanan largo, te dos' or di mar-  
duga e partido a termina den un  
remise. Muy probablemente e lu-  
cha pa e titulo lo continua e si-  
man aki ainda.

### SHOW NOBO DI PADU

ORANJESTAD -- Pronto e cono-  
cido artista local e internacional  
Padu del Caribe lo cuminsa cu  
un show nobo na television riba  
diasabra anochi.

ba diasabra anochi.  
E show aki lo hanja e carac-  
ter di un show pa "teenagers"  
y entre otro Padu a pidi coo-  
peracion di e conocido agrupa-  
cion hubenil "De Trupialen".  
Segun informacion "De Trupia-  
len" lo hanja 10 minuut di show  
den e programa aki cu lo dura  
te december 1965.

Tambe por spera cu e "Sinfonia  
Orkest" di De Trupialen lo  
actua den e show aki. De trupia-  
len ademas ta pensa na pre-  
senta musica, comediantan cor-  
tico, poesias y canto den e pro-  
grama aki.

general no den groepito, esaki  
ta duna deporte anbes di drecha.  
Laga nos ban mas concencional  
mas sensato haci manera nos ta  
bisa NOS TA TRAHA PA BUENA  
MARCHA DI DEPORTE!!!!!!!!!!!!

Eligio Hersilia (LILIN)

### Seis pelea den programa amateur di boxeo awe noch

SANTA CRUZ - E programa di  
boxeo amateur awe noch den E-  
strella Club na Santa Cruz den  
cuadro di e diezun Olimpiada  
ASU ta presenta seis candeloso  
pelea entre pugilnan local.  
E boxeadornan cu lo ta den ac-  
cion ta e sigulantenan:  
Reginaldo Curiel di 108 liber con-  
tra Alvin Winterdaal di 105 liber;  
Benny Donato di 126 liber contra  
Juan Gomez di 128 liber.  
Inocencio Werleman di 125 li-  
ber contra Lesby Henriquez di  
125 liber.

Dominico Trimon di 152 liber  
contra Modesto Maduro di 150 li-  
ber.

Harry Croes di 118 liber contra  
Lindo Croes tambe di 118 liber.  
Wilfred de Mey di 123 liber con-  
tra Eduardo Henriquez di 126 liber

### MOCION DI DESC ONFIANZA: MAL FUNDA

Un splikacion tocante esaki  
especial pa e club nan chikito  
cuta hungando den A.B.C. Klas-  
se. Srs. antes nos tabatin un  
scheidsrechter bond so cu mes-  
ter a fluit tur e weganan e tem-  
po ei nos tabatin B.C. Klasse  
mas abou, e weganan den nan  
mayoria tabata para pa motivo  
cu referee no ta presenta, ta di  
comprende. Pero abo cu a sali  
for di Montaña of Santa Rosa  
bai pa bou anto wega a para,  
abo cu a sali for di Mahuma bai  
Scherpenheuvel anto wega aparal  
Srs. tur esakinan nos mester a  
soporta den e tempo ei.

Sr. J.M. Martis Como referee  
instructor (FIFA) a mira e difi-  
cultad nan i a tuma iniciativa  
di a cuminsa duna les y asina  
lanta un bond di referee mas pa  
juda, esei tabata su intencion !!  
Pero Srs. cu tur e loke nan cu  
bo a tende kaba toch e bond di  
referee di C.V.B. tabata contra  
pa nos a acepta e bond nobo cu  
tabata NAREFA encabesa pa -  
Josy Martis. Gracias a Dios cu  
e tempo nos a uza nos cabez di  
no a bai nan tras, y a vota pa  
accepta NAREFA como miembro  
di C.V.B. Srs. Esaki sigur si-  
gur tabata un judanza grandisi-

mo pa nos competitie nan den  
ultimo tempo te awor, pa motivo  
cu NAREFA ta presente na unda  
cu bo kler na banda riba of  
banda bou uniforma anto no e  
referee so sino nan tres esta dos  
huez di lifia. Esaki ta un organi-  
sacion sigur sigur. Pa motivo  
cu su lucha ta pa juda deporte  
en general.

Srs. tur loke bo leza ariba ta  
loke tabata pasa den e tempo  
cu e mes hende nan cu ta pre-  
tende cu awe mester cambia di-  
rectiva, ta nan tabata tin e direc-  
cion den nan man, Nan ta zun-  
dra NAREFA pa motivo cu ta Jos-  
sy ta na cabez, nos no mester  
waak ken ta na cabez, pero waak  
e cambio y sin tin cambio fa-  
vorable ta pa su bon trabou.

Pakiko envidia, rabia, odio, of  
cuakier otro kos, no stroba otro  
ora cu a proba cu no tabata por,  
no primi galiña saka webo !!!!!!!

Mocion a pasa cu 30 na favor,  
17 contra, 4 blanco.

Awor srs. mi no kler elogia  
ni un persona di mas mi kler  
a dune loke e ta bai,

Varios blaha nos ta na stadion  
of na otro tereno cu un wega ta







**KIP KIRBY**

Agente exclusivo di


**FRIESCHE VLAG**

pa cortesia di:

lechi evaporado y lechi en polvo

**JAN BODEGOM & CO (ARUBA) N.V.****MAXWELL HOUSE KOFFIE.****DICK TRACY**

presenta pa cortesia di:

**VICTORIA BOTTLING COMPANY**
**PEPSI-COLA --- SEVEN UP --- GRAPETTE-KIST --- VICTORIA SODA WATER ---  
BUFFALO ROCK --- GINGER A**
**CISCO KID**

pa cortesia di:

**ARUBA BOTTLING COMPANY**
**NESBITTS den varios sabor, e refresconan mas pidi y mas gusta na Aruba.**


## INFORMACION DI GOBIERNO PA VERENIGING

**WILLEMSTAD**- Dialuna mitar di nueve Curacaose Vereniging voor Handel en Nijverheid ta organisá, en cooperacion cu Voorlichtingsdienst di territorio insular y NAPRA, lo organisá un reunion especial den e auditorio di Kamer van Koophandel en Nij-

verheid na Pietermaaiweg, durante cual reunion e hefenan di Dienst Openbare Werken y Asuntonan Economico, lo duna un splicacion di e plannan di gobierno insular, en relacion cu e desarrollo economico den futuro.

Den e convocacion pa e reunion aki, Vereniging ta hasi un yamamentu riba su miembronan pa asisti sin falta na e reunion

ya qu lo tin unu of mas diputado presente na e splicacion aki.. E reunion di dialuna awor lo ta similar na esun qu a ser tené recientemente na Rust en Burgh pa e hefenan di departamento tocante e plannan pa Corsow.

## RADIO CARACAS TELEVISION

- 2.45 Secretos de Mujer
- 2.50 La Novela Pasional
- 3.25 Locolandia
- 4.00 Cortos Cinematográficos
- 4.15 Patrulla Africana
- 4.45 Comedy Capers
- 5.00 Caricaturas
- 5.15 Sorteo de la Loteria
- 5.30 Wells Fargo
- 6.00 Hazafias del Espacio
- 6.30 Club Musical
- 7.30 El Agente Sentimental
- 8.30 El Tribunal Popular
- 9.00 El Observador
- 9.15 La Caldera del Diabolo
- 9.45 Juan Vicente Torrealba su Comedia Musical
- 11.15 Estrellas de Hollywood
- 11.50 Radio Caracas Televisión Te Dice.

## VENEVISION

- 3.00 Cocina al Minuto
- 3.30 Historias de Amor
- 4.00 El Club del Zorro
- 5.00 Popeye
- 5.05 El Angel del Espacio
- 5.15 El Investigador Submarino
- 5.45 U.S. Marshall
- 6.15 Johnny Ringo
- 6.45 Johnny Quest
- 7.15 El Informador
- 7.30 Viaje al Fondo del Mar.
- 8.30 Comando Aéreo
- 9.30 Hawaiian Eye
- 10.30 Frente de la Prensa

## TELE-ARUBA

- 5.30 Cartoons
- 6.00 Industry on parade
- 6.15 Count of Monte Cristo
- 6.45 Papiamento Newscast
- 7.00 Sea Hunt
- 7.30 Papiamento Sport News
- 7.45 Esperanza Show
- 8.15 The detectives
- 8.45 English Newscast
- 9.00 Ben Casey
- 10.00 Roaring 20's
- 11.00 Sign Off



De Veer: 8.30 p.m. "The Fast Lady" 18 j.  
Rialto: 8.00 p.m. "The Love Cage" 18 j.  
Principal: 8.00 p.m. "A Lawless Street" 18 j.  
Aurora: 8.00 p.m. "The Red Sheik" 18 j.  
Savaneta: p.m. "El Cofre del Pirata" 18 j.

## RADIO KELKBOOM

- 7.00 Opening
- 7.02 Bon día cu Alegria
- 7.30 Noticia Internacional
- 8.00 Selecccion Musical cu disconan Latino Americano
- 8.30 Cumpleaños Feliz
- 9.00 Noticia Social
- 9.15 Peticion Musical pa Telefono
- 10.00 Noticia Internacional
- 10.05 Musica Varia
- 10.30 Programma di N. Habibe Jr.

- 11.00 Noticia Internacional
- 11.05 Musica Norte Americana
- 11.15 Musica Antillana
- 11.30 Musica Varia
- 12.15 Noticia Internacional
- 12.30 Musica Norte Americana
- 12.45 Noticia Lokaal
- 1.00 Variacion di Ritmo Latino
- 1.30 Mei ora cu Boleros
- 2.00 Noticia
- 2.05 Novela Repticion
- 2.30 Peticiones
- 3.00 Noticia

- 3.15 Ritmos di Caribe
- 3.45 La Macorisana & Internacional Supermarket
- 4.00 Musica cu sabor Azteca
- 4.30 Noticia Local
- 4.45 Cocktail Musical
- 5.00 Musica Varia
- 5.15 Musica Varia
- 6.00 Noticia Deportivo
- 6.15 Musica Varia

- 6.30 Musica para la cena
- 7.00 Musica Aleman
- 7.15 Musica Aleman
- 7.45 Musica Norte Americano
- 8.15 Novela
- 8.45 Musica Varia
- 9.00 C.C.A.
- 10.00 Sluitting

## RADIO ANTILIANA

- 5.30 Apertura
- 5.35 Manianita Arubanas
- 5.45 Melodias di Wild West
- 6.10 News in English
- 6.30 Noticia na papiamento
- 7.00 News in English
- 7.30 Noticia na Papiamento
- 7.45 Programa di Jule Nieuw
- 8.00 Espacio pa un Ritmo Criollo y un poesia

**POR CUMPRNA ARUBAANSE  
COURANT NA E SIGUIENTE  
LUGARNAN:**

**NA ORANJESTAD:  
BOEKHANDEL MARISKA.  
PIET SODA FOUNTAIN.  
REFRESQUERIA INGRID**

**NA SAN NICOLAS:  
NICOLAAS  
UNION**

8.10 Variedad Musical  
8.30 Musica Norte Americana na  
automobili

9.00 Papiamento  
9.10 Norte-Americano  
9.20 cantando via Radio  
Antillana

9.30 Intermedio Musical

9.40 Noticia na Ingles

10.20 Programa di La Macorisana  
& Internacional Super-

markets

10.40 Momento di Ritmo

11.00 Tur Tangos

11.15 Voznan Popular

12.00 Oracion di Merdia

12.03 Seccion Informativo

12.20 Noticia na Papiamento

12.30 News in English

12.45 Capsulas En Orbitas alrededor  
di Mundo Deportivo

1.00 Noticia na Papiamento

1.20 Fiet Fiesta Calypso

2.00 Musica Norte-Americano

4.00 La Esperanza y su Obsequio  
Musical

4.30 Variedad Musical cu Complaciendo

5.00 Noticia na Papiamento

5.30 CalypsoRama - Budweiser

5.45 Musica Chevere

6.00 Variedad Musical

6.15 Musica Columbiana

6.30 Noticia na Papiamento

6.45 Variedad Musical

7.00 Felicitaciones y Complaciendo  
peticiones

7.45 Programa di Jule Nieuw

8.00 Program di Club Bonaireano  
Club Surnam

8.15 Continuacion di Fel. y Compl.  
Peticiones

9.00 Desfile di Exitos

10.00 Anioramas

10.30 Impactonan Musical

11.00 Melodia y Romance Musical

12.00 Clausura.

## RADIO VICTORIA

- 6.00 Apertura & Musica di Banda
- 6.15 E Bijbel Habri
- 6.30 Ultimas Noticias
- 6.45 Peticiones
- 7.00 La Biblia Abierta
- 7.15 Noticias Español
- 7.25 Llamada a la Conciencia
- 7.30 World News
- 7.45 Christian Emphasis
- 7.50 Bo Musica Favorito
- 8.15 El Camino de Victoria
- 8.30 Ultimas Noticias
- 8.45 El Pan de Vida
- 9.00 Mundo Femenino
- 9.15 El Sendero de Vida
- 9.30 Morning Melodies
- 10.00 The Bible for You
- 10.15 Organ Melodies
- 10.30 Through the Bible
- 11.00 Chapel of the Air
- 11.15 Delicados Pastos
- 11.30 Melodias di Merdia
- 12.00 Ultimas Noticias
- 12.15 Musica Sagrada y Meditacion
- 12.30 World News
- 12.45 Quiet Time
- 1.00 Radio Concert Hall
- 2.00 Reading Room
- 2.15 Quiet Hour
- 2.30 Dr. Barnhouse and the Bible
- 3.00 Ensueños Musicales
- 3.30 La Hora Bautista
- 3.45 Academia Cristiana
- 4.00 Musica di Banda
- 4.15 Ultimas Noticias
- 4.30 Listening Post
- 4.45 Sailor Sam
- 5.00 Vertel Uurtje
- 5.15 Palabranan di Bida
- 5.30 Ecos del Cielo
- 5.45 Musica Sagrada
- 6.00 Nederlands Nieuws
- 6.15 De Groene Weide
- 6.30 World News
- 6.45 Lago Hour
- 7.00 Organ Hymns that Live
- 7.15 Off the Record
- 7.30 Miracles and Melodies
- 7.45 Psychology for Living
- 8.00 Musical Gems
- 8.30 Back to the Bible
- 9.00 Klassieke Muziek
- 9.55 Dagsluiting
- 10.00 Sign Off.